



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

Art. I. An hæc propositio, Deus est, sit per se nota, vel à nobis demonstrabilis?

[urn:nbn:de:hbz:466:1-77132](https://nbn-resolving.de/urn:nbn:de:hbz:466:1-77132)

TRACTATUS PRIMUS

DE EXISTENTIA, ET UNITATE DEI,

eiusque natura & attributis.

A quest. 2. D. Thome usque ad 12.

Convenienter D. Thomas Theologiam A inchoat à Deo. Primo quia illa, ut ipsum nomen indicat, est sermo vel cognitio deo. Secundo, quia est sapientia suprema, medians inter divinam & humana: quare debet incipere ubi humana definit, nempe à cognitione Dei. Tertio, quia est participatio divinae scientiae, quae primò eslen-tiam divinam, tanquam ejus objectum formale, secundariò velò creaturas, tanquam objecta secundaria, & materialia contemplatur. Deniq; quia cùm Deus sit subjectum, vel objectum Theologia (ut supra ostendimus) ejus essentia, & ratio, est primum principium, à quo cætera omnia quae in ea pertractantur, dependent, & per quod tanquam per rationem, à priori demonstrari debent.

Perflustrò igitur Theologiæ vestibulo, sacras ejus ades ingredimur, & profundissima Divinitatis Mysteria, Scientiæque Sanctorum intima, & arcana, perfictrari, & contemplari incipiimus in hoc primo Tractatu, quem in quatuor disputationes dividemus. Prima euit de existentia, & unitate Dei. Secunda de ejus natura & quidditate. Tertiade attributis Dei in communione. Quarta de illis in particulari.

DISPUTATIO I.

DE EXISTENTIA ET unitate Dei.

Ad quest. 2. D. Thome.

Antequam D. Thomas de natura Dei, ejusque attributis disputare incipiat, præmit ut id quod omnibus maxime necessarium est, scilicet cognoscere Deum esse: licet enim nulla scientia probet, sed præsupponat suum objectum, quoad an est, tamen quia Theologia, non solum est scientia, sed etiam sapientia, ad eam pertinet se reflectere circa sua principia, ea defendendo & explanando, & probare Deum esse, non ex propriis, sed rationibus acceptis à Metaphysica, quas tamem corrigit & perficit. Igitur cum S. Doctore in hac prima Disputatione, Primo resolvemus, an Deum esse sit per se notum, vel à nobis demonstrabile? Secundò, quinque demonstrationes de existentia Dei, quas tradit art. 3, breviter exponemus. Tertio alias adjungemus, desumptas ex artificio sa mundi structura & mirabili hominis compositione. Quartò ostendemus, Deum non posse invincibiliter ignorari. Denique ut politissimum cum Atheismo simul expugnemus, agemus de unitate Dei, & evidenter rationibus demonstrabimus contra Gentiles & Paganos, pluralitatem Deorum esse impossibilem, vel ut loquitur Athanasius, pluralitatem Deorum, esse nullitatem Deorum.

Tom. I.

A R T I C U L U S I.
An hæc propositio, Deus est, sit per se nota, vel a nobis demonstrabilis?

S. I.

Quædam præmittuntur ad resolutionem questionis necessaria.

Norandum primò, quod sicut duplex est veritas, una formalis, & alia objectiva; ita duplex est propositio: una formalis, quæ consistit in ipsis mentis conceptibus, quibus attingitur unio, seu connexio prædicati cum subjecto: alia objectiva, quæ est ipsa veritas objecti, quæ concipitur, vel enunciatur: aut ipsa unio, seu connexio prædicati cum subjecto. Quando ergo inquiritur, an hæc propositio, *Deus est*, sit per se nota, vel demonstrabilis, non est questione de propositione formalis, sed objectivæ.

Notandum secundò ex D. Thoma hic art. 1. propositione per se notam, illam esse cuius prædicatum includitur in ratione & definitione subjecti: sicut enim Sol dicitur per se visibilis, quia non potest videri per aliud magis lucidum & visibile: ita & propositio vocatur per se nota, quæ non potest demonstrari, & manifestari per aliud prius & notius: unde cum essentia & quidditas rei, nihil habet prius, per quod possit manifestari & demonstrari, illa propositio cuius prædicatum est de essentia subjecti, & includitur in eius definitione, dicitur immediata, & per se nota.

Notandum tertio ex eodem S. Doctore ibidem, quod propositio per se nota est duplex: quedam est per se nota secundum se tantum; quedam vero per se nota secundum se, & quoad nos. Propositio per se nota secundum se tantum, est illa cuius prædicatum est de ratione subjecti, & quidditas prædicati & subjecti est nobis ignota. Propositio vero per se nota, secundum se, & quoad nos, illa dicitur cuius prædicatum est de ratione subjecti, & omnibus notam est de prædicato & subjecto quid sit, & hoc modo prima demonstrationis principia, cuius communissimos terminos, v.g. ens & non ens, totum & pars, nullus ignorat, dicuntur per se nota.

Notandum quartò ex eodem D. Thoma ibidem in resp. ad 1. quod Deus duplicitate considerari potest: uno modo sub quadam communitate & confusione: in quantum scilicet est hominis beatitudo, vel quatenus continetur habitatione boni ut sic, eo terè modo quo quando videmus hominem à longè venientem, cum cognoscimus confusam quidem & universalis cognitionem, quare ius felicitet est in corpore: alio modo potest Deus considerari in particulari, & sub ratione primi entis, & quatenus est natura quedam omnium perfectissimæ, quæ est prima causa, & primum principium omnium aliarum.

E

S. II.

Quatuor conclusionibus difficultas proposita
resolvitur.

Dico primò : hæc propositio, Deus est, est per se nota secundum se. Ita D. Thomas hic art. 1.

Probatur: propositio per se nota secundum se, est illa cuius prædicatum includitur in ratione & definitione subjecti; illa enim non potest demonstrari, vel notificari per aliquid prius, cùm nihil prius sit essentiæ & quidditatæ ut diximus in secundo notabilis: Sed prædicatum hujus propositionis, Deus est, includitur in ratione & definitione subjecti, cùm enim Deus sit ens per essentiam, & actus purus, existentia est de conceptu quidditativo divinæ essentiæ, & ne ratione quidem ab illa distinguitur, ut constabit ex infra dicendis: Ergo &c.

Dico secundò: hanc propositionem non esse per se nota quoad nos. Ita D. Thomas in eodem articulo, & 1. contra Gent. cap. 11. & de verit. quæst. 10. art. 12.

Probatur: illa propositio dicitur per se nota quoad nos, cuius prædicatum est de ratione subjecti, & subjecti quidditas non est nobis nota: Sed in hac propositione, subjecti quidditas est nobis nota, ut constat: Ergo illa non est per se nota quoad nos.

Confirmatur primò: propositiones per se nota quoad nos, cognoscuntur à nobis sine ullo medio & absque ullo discursu, ex sola terminorum apprehensione, ut constat in primis principiis: Sed Deum esse, non cognoscitur à nobis sine ullo medio & discursu, & ex sola terminorum apprehensione, sed mediata, & per effectus ab ipso productos. Invisibilia enim Dei per ea quæ facta sunt intellecta conficiuntur, &c. ad Rom. 1. Ergo hæc propositio non est per se nota quoad nos, sed indiget demonstrari, per ea quæ sunt magis nobis nota: scilicet per creaturas, & per motus rerum sensibilium & corporalium. Unde D. Thomas 1. contra Gentes cap. 11. Sicut nobis est per se notum, quod totum suā partē est majus, sic videntibus ipsam divinam essentiam, per se notissimum est Deum esse, ex hoc quod sua essentia est suum esse. Sed quia eius essentia videre non possumus, ad eius esse cognoscendum, non per se ipsum, sed per eius effectus pervenimus.

Confirmatur secundò: Deus cùm sit omnino immaterialis, & objectum à sensibus remotissimum, non potest immediata movere intellectum nostrum ad sui cognitionem; sed mediata tantum, & per species, ac similitudines rerum sensibilium: Ergo hæc propositio, Deus est, non potest esse immediata, & per se nota, respectu nostri, sed tantum mediata, & cognoscibilis, ac demonstrabilis ex rebus sensibilibus & corporalibus: juxta illud Sapientie 13. 4 magnitudine speciei & creature, cognoscibiliter poterat creator horum videri.

Probatur secundò conclusio alia ratione quam tangit D. Thomas hic art. 1. in arguento, sed contra. Illa propositio cuius oppositum aliquis cogitare potest, non est per se nota quoad nos, ut constat in primis principiis, quæ à nemine negantur, & de quibus nulla est dubitatio: Sed oppositum huius propositionis, Deus est, aliquis cogitare potest; dicitur enim Plat. 32. Dixit insipiens in corde suo, non est Deus; Ergo illa non

A est per se nota quoad nos, scilicet prima principia. Dico tertio: hæc propositio, Deus est, intellecta de Deo ut contento sub ratione communi beatitudinis, vel boni, aut veri ut sic, est per se nota, etiam quoad nos. Ita D. Thomas in eodem, in resp. ad 1. & 3.

Probatur: sicut homo naturaliter & sine elezione appetit bonum ut sic, & beatitudinem in communi; ita & gloriā immediata, & sine ullo discrusu cognoscit: Ergo etiam immediata, & absque ullo discrusu, cognoscit Deum sub quadam ratione confusa & universalis, & sub communi, & confuso conceptu beatitudinis, seu boni aut veri ut sic: Sed ut notat S. Doctor ibidem, hoc modō cognoscere Deum, non est simpliciter illum cognoscere, sed tantum secundū quid; sicut quando de longe aliquis videt hominem venientem, non cognoscit illum simpliciter, & ut talis est, sed secundū quid, & sub ratione communi corporis aut viventis: Ergo &c.

Dico ultimò: hæc propositionem, Deus est, esse demonstrabilem, non quidem à priori, & per causam, sed à posteriori, & per effectus à Deo productos. Est contra Nominales, & alios veteres Theologos, qui dicebant existentiam Dei sola fide teneri, nec posse naturali ratione demonstrar. Quam sententiam merito damnat erroris D. Thomas 1. contra Gentes cap. 12. eamque ibidem impugnat. Tum ex demonstrationis arte, quæ ex effectibus causis concludere docet. Tum ex ipso scientiarum ordine: nam si non sit aliqua scibilis substantia, supra substantiam sensibilem, non erit aliqua scientia supra naturalem, ut dicitur in 4. Metaphys. Tum ex Philosophorum studio, qui Deum esse demonstrare conati sunt. Tum denique ex Apostolica veritate afferente ad Rom. 1. invisibilia Dei per ea quæ facta sunt intellecta conficiuntur. Idem docet hic art. 2. ubi duplex genus demonstrationis distinguit: unam quæ est per causam, & dicitur propter quid, aliam per effectus, & vocatur quia, & fit quando per effectus qui sunt nobis notiores, procedimus ad demonstrandam causam, & hoc secundo modo dicit posse demonstrari Deum esse, per effectus ab ipso productos; causa enim habens effectus notiores se quoad nos, potest per illos demonstrari esse, sicut ex funo demonstratur ignem existere, & ex respiracione animal vivere.

Confirmatur: Deus potest lumine naturali à nobis evidenter cognosci: Sed non potest cognosci immediata, & sine discrusu, ut supra ostendimus: Ergo solum mediata, & per discrusum, seu demonstrationem. Consequentia patet, quia non est alius modus cognoscendi rem aliquam. Major vero constat ex pluribus testimoniorum Scripturar, & SS. Patrum, quæ infra referemus, ad demonstrandum contra Molinā, hanc propositionem, Deus est, non posse invincibiliter ignorari.

S. III.

Solvuntur objectiones.

Contra primam & tertiam conclusionem, nullum est argumentum alicujus momenti, contra secundam quadrupliciter arguitur. Primo, illa propositio est per se nota quoad nos, cui assentimur, conceptis terminis, & sine discrusu: Sed huic propositioni, Deus est, assentimur sine discrusu, & ex sola apprehensione terminorū: Ergo est per se nota, etiam quoad nos. Minor probatur: hoc nomine, Deus, intelligitur

tur apud omnes ens quod nihil majus, aut melius ex cogitari potest: Sed tale ens concipitur necessariò existere'; quia si non existeret, non esset melius omnibus qua cogitari possunt: multò enim melius est sine dubio, si actu necessariò existeret: Ergo &c.

Secundò ista propositio, Deus est colendus, est per se nota, etiam quoad nos; est enim primum principium sinderesis: Ergo & illa, Deus, existit: quandoquidem supponit ad istam tanquam ejus fundatum.

Tertio, si Deus non posset cognosci nisi per discursum, posset dati ignorantia invincibilis de Deo in multis infidelibus, quandoquidem aliquis fuit ita stupidus, ut non possint demonstrationes facere, aut vimillarum percipere: B Consequens est falsum, ut infra ostendemus: Ergo & Antecedens.

Quarto, in sententia D. Thomæ, puer perveriens ad usum rationis, tenetur pro primo instanti se convertere in Deum: Sed in illo primo instanti, non potest eius notitiam assequi per demonstrationem, vel discursum, cum vix per multum tempus id assequantur Philosophi: Ergo talem notitiam immediatè, & sine illo discursu debet habere à natura, sicut habetur notitia primorum principiorum.

Ad primum, concessa Majori, nego Minorem; ad cuius probationem, in primis dici potest cum D. Thoma h̄c art. 1. ad 2. non esse verum quod omnes intelligent per hoc nomen, Deus, id quod nihil majus aut melius cogitari potest, nam quidam dixerunt Deum esse corpus, ut Antropomorphiz, Deo membra humana affingentes, & tamen corpus non est id quod nihil melius cogitari potest. Secundò hoc dato, nego Minorem; ad cuius probationem, dicendum est, quod illud quod nihil majus aut melius ex cogitari potest, importat existentiam in actu signato, sive in apprehensione, non tamen in re, & in actu exercito: ut enim docent Dialectici, in hoc distinguitur nomen à verbo, quod nomina significant solum rationes rerū in actu signato, & ut conceptas à nobis: herba autem illas significant in actu exercito, & per modum actionis, aut exercitiū actualis; quando enim v. g. dicitur amor, actus amandi solum importatur, & significatur in actu signato, & ut possibilis: quando verò dicitur amo, tunc actus amandi importatur ut exercitus, & actu existens quidē in hoc nomine, Deus, includitur tantum existentia in actu signato, & ut apprehensa, non tamen in actu exercito, & ut actu posita; sed illa relinquitur probanda per discursum & demonstrationem.

Ad secundum, concessio Antecedenti, quod immitterit negat Molina, nego consequiam: licet enim cognitio practica supponat speculativam, non tamen necessarium est, quod si cognitio practica sit immiedia, etiam speculativa sit talis: hoc enim principium, Parentes sunt colendi, est immiediatum, licet non cognoscamus immediatè, quoniam sint parentes nostrī, sed per discursum, vel relationem alitorum. Ita etiam, quamvis non cognoscamus immediatè dari Deum, sed tantum per discursum, & per inspectionem creaturarum, nihilominus h̄c propositio, Deus est colendus, est immiedia, & primum principium sinderesis.

Ad tertium nego sequelam Majoris, ut enim dicimus infra, aī hoc ut non habet quis ignorantiam invincibilem de existentia Dei, non re-

A quiritur quod illa sit per se nota, & ante omnem discursum; sed sufficit quod per aliquem discursum facilem, & ex admirabili ordine, & gubernatione totius universi deductū, possit cognosci Deus. Sicut etiam non datur ignorantia invincibilis de preceptis decalogi, ut de adulterio, homicidio &c. quamvis per discursum sint deducta ex communissimis principiis naturalibus, ut docet D. Thomas 1.2 quæst. 100. art. 1. & 3.

Ad ultimum dicendum, quod puer perveriens ad usum rationis, non tenetur se convertere ad Deum, ut cognitū distincte & in particulari, sed confusè & in alio scilicet sub ratione beatitudinis, vel finis ultimi honesti, nisi forte in illo primo instanti (quod non est instantis physicum sed morale) tanta detur ei illuminatio à Deo, quod etiam eum in particulari, & distincte cognoscat, ut sèpè contingit in his qui nutruntur in fide catholica, tunc enim tenetur ad Deum explicitè se convertere, ut ostendemus in Tractatu de peccatis.

Diph.
9. art
ult.

§. IV.

Difficile argumentum solvitur.

C Ontra ultimam conclusionem objici potest 15 difficile argumentum, quod sic potest breviter proponi. Objectum fidei non potest esse scitum, ut docet D. Thomas 2.2. quæst. 1. art. 5. Sed illa propositio, Deus est, pertinet ad objectum fidei: Ergo non potest esse scita, nec consequenter demonstrata.

Respondeatur cum D. Thoma h̄c art. 2. ad 1. negando Minorem; nam Deum esse, illum esse unum, & similia, non sunt articuli fidei, sed præambula quædam ad fidem, & ideo per rationem naturalē nota esse possunt; fides enim præsupponit naturalem rationem, sicut gratia naturalis; illa tamen per fidem teneri debet ab iis qui non capiunt demonstrationem.

Instabis: Philosophus Christianus acquirendo scientiam & demonstrationem de tali veritate, non amittit fidem circa illam: Ergo talis veritas per se pertinet ad objectum fidei. Consecutus pater, Antecedens probatur dupliciter. Primo, quia si Philosophus Christianus amitteret fidem circa illam veritatem, fieret infidelis: quandoquidem defectus fidei circa unum articulum, reddit simpliciter infidelem, juxta illud Jacobi, Qui peccat in uno, sicutus est omnium rebus.

Secundò probatur idem Antecedens: si fidelis acquirendo scientiam de existentia Dei, amitteret fidem de illa, sequeretur quod post acquisitionem scientiae, minorem haberet certitudinem de illa veritate, quam antea; & sic quod acquirendo scientiam, fieret deterioris conditionis: Sed hoc videtur absurdum: Ergo & illud. Sequela Majoris probatur. Certitudo fidei est major certitudine scientiae: Sed ille ante demonstrationem habebat certitudinem fidei, post illam verò habet tantum certitudinem scientiae: Ergo minorem certitudinem habet de illa veritate, quam antea, imò rusticus fidelis, illi veritate cum majori firmitate & certitudine assentitur, quam Philosophus Christianus.

Respondeo negando Antecedens: cum enim 17 ab eo qui habet demonstrationem de existentia Dei, haec veritas, Deus est, non sit amplius cognoscibilis sub lumine obscuro divinae revelationis, sed sub evidenti lumine primorum principiorum, manifestum est in illo non posse remanere,

E 2 nere,

Tom. I.

nere fidem circa illam. Ad primam probacionem in contrarium, neganda est sequela, illum scilicet Philosophum herinfidelem: nam ille solum qui amittit fidem alicujus articuli, per formalem dissensum, sive discredendo, fit infidelis, non autem qui amittit fidem alicujus veritatis naturalis, quae per accidens tantum ad illam pertinet, acquirendo claram & evidentem illius cognitionem, incompossibilem cum fide & revelatione obscura; alioquin beati, & comprehensores, fierent infideles, quando per visionem beatificam amittunt fidem de mysteriis in via obscurè revelatis.

18 Ad secundam probationem, in primis dici potest, quod ille qui acquirit demonstrationem, & scientiam de ista veritate, Deus est, minorem quidem habet de illa certitudinem quam antea, non tamen propterea sit deterioris conditionis; quia melius est habere scientiam quam fidem, de illis objectis de quibus potest haberi, & quae per accidens solum pertinent ad fidem: ut constat in B. Virgine, & in Apostolis, qui licet non haberent fidem, sed cognitionem claram & intuitivam humanitatis Christi, non tamen proptertererant deterioris conditionis quam nos, qui de illa non habemus nisi fidem & cognitionem obscuram. Neque obstat quod certitudo fidei sit major quam scientia: illa enim minor certitudo qua est in scientia, compensatur per evidentiā, quae non reperitur in fide.

Secundo respondent Bannez, & Medina, 19 quod quamvis Philosophus Christianus non credat per fidem illam veritatem, Deus est, ob defectum rationis formalis, & obscura revelationis, in eo tamen est certitudo fidei: quia fides & scientia, inquit, se si mutuo juvent, in his in quibus non opponuntur; unde cum non opponantur in certitudine, se si mutuo juvent in illa; & ita certitudo scientiae in Philosopho Christiano, roboratur & perficitur per certitudinem fidei.

20 Verum hæc responsio, nisi amplius explicantur, plenè non laudatur, & potest hoc argumento efficaciter impugnari. Nullus habens potest influere in objectum, in quo non relucet ejus ratio formalis sub qua; alias ferretur extra proprium specificativum: Sed in hac veritate, Deus est, quando est semel cognitus per demonstrationem, amplius non relucet ratio formalis fidei, neque revelatio obscura: Ergo fides non potest tunc influere in eam, certitudinem supernaturalem, & majorē quam scientia nata sit parere.

Ut ergo hæc difficultas penitus evanescatur, dicendum est, quod licet habitus fidei in Philosopho Christiano, non possit per se, & directè se extenderet ad illam propositionem, nec proinde directè in eam influere certitudinem supernaturalem: indirectè tamen, & per accidens potest illam attingere, quatenus scilicet illa virtualiter & implicitè continetur in aliis propositionibus obsecrè revelatis, & per se pertinentibus ad fidem, quales sunt iste, Deus est trinus, Deus est incarnatus. In quibus ista, Deus est, virtualiter & implicitè continetur, & ita ex certitudine fidei, formaliter terminata ad has propositiones, per accidens resiliere potest in alienum scientificum hujus propositionis, Deus est, certitudo quedam supernaturalis, & major quam scientia nata sit facere. Ex quo sit, quod Philosophus Christianus, acquirendo scientiam, non fiat deterioris conditionis quam antea, & quod minorem non

A habeat certitudinem de illa veritate, quam tuisticus fidelis. Aliam solutionem dabimus in Tractatu de fide, disp. 1. art. 6.

§. V.

Solutur *quid* argumentum.

O bjicitur etiam contra ultimam conclusionem: per effectus improportionatos non potest aliiquid de causa demonstrari: Sed creaturae sunt effectus Dei improportionati, cum Deus sit infinitus, & creaturae finiti: Ergo Deū esse, non potest demonstrari per creaturas.

Confirmatur primum: omnis demonstratio debet constare ex necessariis: Atqui creaturae non sunt necessariae, sed contingentes, cum possint esse & non esse: Ergo Deū esse, ex creaturis demonstrari non potest.

Confirmatur secundum: cum effectus sit extrinsecus cause, per illum non magis videtur existentiam cause demonstrari posse, quam per extrinsecum testimonium alicujus testificantis, & assertoris illam existere: Sed extrinsecum dicentis testimonium, non potest habere rationem medi, quod demonstretur aliiquid esse: Ergo neque ex creaturis, quae sunt effectus Dei, potest eū existentia demonstrari.

Ad objectionem respondeo cum D. Thoma C hic art. 2. & 3. quod per effectus improportionatos, non possumus perfectam habere cognitionem de causa, quantum ad essentiam; tamen per quemcunque effectum, sive proportionatum, sive improportionatum, possumus demonstrare causam esse, licet per illos non possumus perfectè secundum essentiam eam cognoscere. Unde in forma respondeo distinguendo Majorē: per effectus improportionatos, non potest causa demonstrari, quantum ad quid est, concedo: quantum ad an est, nego.

Ad primam confirmationem dicendum, quod licet creature sint contingentes, & possibles esse, & non esse, dependentia tamen quam habent à Deo in existendo & operando, essentialis est & necessaria: cum omne ens per participationem, essentialiter pendeat in essendo & operando ab ente per essentiam. Unde ex tali dependentia creaturarum à Deo, in existendo & operando, sumitur medium apertissimum & necessarium, ad demonstrandum Deū esse, ut magis constabit quando demonstrationes D. Thoma exponemus.

Ad secundam confirmationem, nego Majorē: licet enim per extrinsecum dicentis testimonium non possit existentia alicujus cause demonstrari, bene tamen per effectus ab illa productos, & essentialiter ab ea dependentes. Ratio est primò, quia causa est virtualiter in effectu, cum sit aliiquid ipsius. Secundò, quia definitio effectus est quodammodo descriptio cause, ut constat in hoc syllogismo: *Quicquid respirat, habet pulmones: homo respirat: ergo habet pulmones.* Hoc enim quod est respirare, est veluti descrip-tio pulmonum, qui sunt organa data ad respirandum. Tertiò cum effectus sit aliiquid notius causæ, potest illam manifestare, & esse modus sciendi. Extrinsecum vero dicentis testimonium, hæc tria non habet: non continet enim virtualiter rem quam enunciat, neque est aliiquid ejus, sed potius ipsius testificantis. Illud etiam non est definitio vel descriptio rei manifestandæ, neque modus sciendi, illam manifestans per

DE EXISTENTIA ET UNITATE DEI.

37

per aliquid notius; sed se habet sicut propositio,
qua simpliciter rem enunciat & affirmat, & ideo
evidentia in artestante non excludit fidem, sicut
demonstratio a posteriori, & per effectus, ut di-
cimus in Tractatu de fide.

Diff.
1 art.
7.

ARTICULUS II.

*Expugnatur Atheismus, & existentia Dei,
multipliciter ratione demonstratur.*

25 *Quinq[ue] demonstrationes principales elegit D. Thomas* ^{mashicart.} *ad probandum Deum esse, &* ad destruendum Atheismum, sicut olim David ad debellandum & prosternendum Goliath, ele- git ibi quinq[ue] limpidissimos lapides de torrēte, & misit eos in peram pastoralē, ut dicitur 1. Reg. 17. Prima desumitur ex parmotus, & probat dari aliquod ens immobile, & ab omni mutatione liberum. Secunda ex ratione cause efficientis, & probat Deum esse primū principium, & primam causam efficientem omnium rerum. Tertia ex ratione contingens, & necessarii, & demonstrat Deum esse ens necessarium, & a se. Quarta ex diversis gradibus bonitatis & perfectionis, qui in rebus inveniuntur, & ostendit Deum esse primū ac perfectissimum ens. Quinta ex gubernatione rerum, & probat Deum esse primum & supremū hujus universi provisorem & gubernatorem.

26 His quinq[ue] demonstrationibus, ut h[ic] recte advertit Cajetanus, S. Doctor probat quinque conditiones, seu attributa divinitatis, quae non possunt nisi in eate in creato reperi. Ex immobilitate enim probatur attributum immutabilitatis, ex quo deducitur immensitas, & aeternitas. Ex ratione primi efficientis, sumitur ejus omnipotencia circa creaturas. Ex eo quod sit ens a se, & necessarium, sumitur omnis perfectio, bonitas, immaterialitas, & ratio actus purissimi. Ex eo quod sit maximum & primum ens, ejus simplicitas & eminentia demonstrantur, & probatur quod non sit corpus, quod non sit in praedicatione, quod sit suum esse, quod sit infinitus, unus, &c. Ex eo deniq[ue] quod sit primus & supremus mundi gubernator, demonstratur ejus sapientia, providentia, amor, justitia, misericordia, aliaeque perfectiones, & attributa, quae reiuent in gubernatione hujus universi, & sicutis quinque viis inclusus D. Thomas omnia quae ad manifestanda Dei attributa possunt conducere.

In hoc ergo articulo has quinque demonstrationes D. Thomas exponemus, postea alias subiectemus, ex artificio mundi struetura, & mirabilis compositione hominis; denique ostendemus non posse dari, etiam apud homines barbaros & agrestes, ignorantiam invincibilem de existentia Dei.

§. I.

Exponuntur duas primas rationes D. Thomae.

27 Pro intelligentia harum demonstrationum, supponendum est primò, quod subordinatio in causis moventibus & efficientibus, potest esse duplex; una per accidens, & accidentalis: alia per se, & essentialis. Accidentalē vocamus eam quae est inter causas particulares, quarum una supponit aliam à qua fuit producta in esse, & ita alteram, per quam similiter fuit produ-

Tom. I.

A Et, & sic de ceteris. Exemplum rem declarabit: ut pater v.g. generet filium, supponit prius illum à quo productus fuit, & iste alium adhuc priorē, & sic de reliquis: illa ergo subordinatio quam pater dicitur habere ad omnes antecesores suos, in ordine ad productionem filii, dicitur accidentalis. Primo, quia quod una causa particularis producat talē effectum, est omnino præter intentionem illius actionis, per quam fuit in esse producta ab alio agente, ut optimè dicit D. Thomas in commentario libri de causis, lectione prima sub finem; & propterea pater producens filium, dicitur ei à quo productus fuit, solū subordinari accidentaliter in tali productione. Secundo, quia pater producens filium, non subordinatur suis antecessoribus in tali productione, tanquam causa & secundum influentibus in effectum, aut tanquam applicantibus virtutem suam ad agendum (quomodo causa particularis, universalis subordinatur) sed dicitur solū eis subordinari, inquantum recepit ab eis esse, quod necessariò prius habere debuit, quam posset operari; & sic non in ordine causandi, sed potius in ordine secundi, dicitur eis subordinari; & propterea non mirum quod talis subordinatio dicatur accidentalis in ordine ad agendum, quandoquidem illa non est in eodem ordine. Subordinatio vero essentialis dicitur illa, qua est inter causas, quarum una per se & essentialiter, in agendo & movendo dependet ab alio simul influente, & concurrente, vel eam applicante ad agendum: qualis subordinatio reperitur inter causas particulares & universales, v.g. inter terram & solem, & inter creaturas & Deum, ut docet D. Thomas 1.2. quest. 109 art. 1.

Secundò supponendum est, quod licet posset admitti processus in infinitum, in causis & moventibus per accidens subordinatis, sicut defacto daretur in leonibus generantibus & genitis, si mundus fuisset ab aeterno quod successiva; non tamen dari potest in causis & moventibus & in subordinatis, & in causando & movendo, ab actu superiorum iuxtu dependentibus: tum quia alias daretur simul infinita actu multitudo agentium, cum non possint actu influere nisi existent, tum etiam, quia alias nunquam ipsa produceretur effectus: quia causa proxima à qua debet immediate produci, nunquam agit, nisi dependenter ab influxu cause superioris; nec illa, nisi alia superiori influente, si detur, & sic consequenter; ita ut necesse sit influxum omnium causarum superiorum, mediis causis propinquioribus pervenire ad causam proximam, ad hoc ut illa agat: nulquam autem perveniret ad illam, si daretur ibi processus in infinitum; quia infinita illa multitudo causarum non esset pertransibilis: Ergo &c. Videndum est D. Thomas infra quest. 146. art. 2. ad 7. ubi dicit, *In causis efficientibus impossibile est procedere in infinitum per se: sed per accidens in infinitum procedere in causis agentibus, non reputatur impossibile. Vnde non est impossibile quod homo generetur ab homine in infinitum: est, autem impossibile, si generatio hujus hominis deperiret ab homine. & a corpore elementari, & a sole, & sic in infinitum.*

Tertiò supponendum est, quod primus motor omnino immobilis, Deus est. Probatur haec suppositione: nomine Dei intelligimus id quod nihil majus aut melius excogitari potest: Sed pri-

E 3

mus